

Umiarsualivimmiennermut akileraarutit pillugit Inatsisartut inatsisaata allanngortinneqarneranik Inatsisartut inatsisaat (Umiarsuit takornarianik angallassissutit ilaasunik angallassinermi akitsummik akiliisinneqartalernissaat)

§ 1.

Umiarsualivimmiennermut akileraarutit pillugit Inatsisartut inatsisaanni nr. 20, 30. oktober 1992-imeersumi, kingullermik Inatsisartut inatsisaatigut nr. 1, 20. maj 1998-imeersukkut allanngortinneqartumi makku allanguutigitinneqarput:

1. Inatsisartut inatsisaata taaguutaa ima allassimassaaq: "Umiarsualivimmiennermut aamma umiarsuit takornarianik angallassissutit ilaasunik angallassinerannut akileraarutit pillugit Inatsisartut inatsisaat".

2. § 1 ima oqaasertaqassaaq:

"**§ 1.** Umiarsuit Kalaallit Nunaanni umiarsualivinnut nunalittut akileraarutinik landskarsimut akilisassapput.

Imm. 2. Umiarsuit takornarianik angallassissutit Kalaallit Nunaanni umiarsualivinnut nunalittut, umiarsualiviup avataani kisartut imaluunniit ilaasunik sinerissamut nunnigussisut imm. 1 naapertorlugu akileraarutinik akiliissanngillat. Tassunga taarsiullugu umiarsuup takornarianik angallassinermi ilaasuinit akileraarut tamarmiusoq ilaasumut ataatsimut 300 kr.-niusoq akilerneqartassaaq. Umiarsuup takornarianik angallassinissani Kalaallit Nunaanni umiarsualivimmii aallarnerpagu, umiarsuup aallarnerani ilaasorineqartumut ataatsimut akileraarut tamarmiusoq 300 kr.-niusoq akilerneqartassaaq.

Imm. 3. Umiarsuup Kalaallit Nunaanni umiarsualivimmut, umiarsualiviup avataanut sinerissamuluunniit ilaasuminik nunnigussiffissamisut tikitassaanut siullermut apuunnissaa nal.ak. 24-nik sioqqullugu umiarsuup takornarianik angallassissutip naalagaata allattorsimaffik ilaasut qanoq amerlatignerannik imaqartoq Akileraartarnermi Pisortaqarfimmut nassiatissavaa. Takornarianik angallassineq Kalaallit Nunaanni umiarsualivimmii aallarnerneqarpat umiarsuaq aallartinnagu allattorsimaffik nassiunneqassaaq."

3. § 2-mi nr. 10)-tut nutaatut ilanngunneqassaaq:

"10) Umiarsuit ilaasunik angallassissutit umiarsuaatileqatigiiffinnit Namminersornerullutik Oqartussanut sullissinissamik isumaqtigiiissuteqartunit pigineqartut."

4. § 5 ima oqaasertaqassaaq:

"**§ 5.** Akileraarutinut akiligassaaq umiarsuup umiarsualivimmut nunalinnerani akiligassanngussaaq.

Umiarsuarnut takornarianik angallassissutinut ilaasunik nassataqartunut tunngatillugu akileraarutinut

akiligassaq umiarsuup umiarsualivimmut nunalinnerani, umiarsualiviup avataani kisarnerani imaluunniit sinerissami ilaasuminik nunnigussiffissaani akiligassanngussaaq. Takornarianik angallassineq aallartereersoq ilaasunik nutaanik Kalaallit Nunaanni umiarsualivimmiit ilaasoqalerpat, akileraarutinut akiligassat amerlissutaat umiarsuup umiarsualivimmut tassunga nunalinneraniit akiligassanngussaaq.

Imm. 2. Akileraarutinut akiligassaq Akileraartarnermi Pisortaqarfimmum kingusinnerpaamik akilerneqassaaq umiarsuup aallalernerani.

Imm. 3. Umiarsuit takornarianik angallassissutit akileraarutinut akiligassaat Akileraartarnermi Pisortaqarfimmum kingusinnerpaamik akilerneqassaaq umiarsuup umiarsualivimmiit, umiarsualiviup avataani kisarsimaffimminiit imaluunniit sinerissami ilaasuminik nunnigussiffisaminiiit aallalernerani.

Imm. 4. Umiarsuit umiarsualivimmut ataatsimut arlalinnulluunniit aalajangersimasumik nunalittartut imm. 2-mi aalajangersakkanit allaanerusumik akiliuteqarnissaat pillugu Akileraartarnermi Pisortaqarfimmik isumaqatigiissuteqartoqarsinnaavoq."

§ 2.

Inatsisartut inatsisaat atuutilissaaq ulloq 1. januar 2003-miit.

Namminersornerullutik Oqartussat, u1loq 21. maj 2002

Jonathan Motzfeldt

/

Augusta Salling

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

